

Festival di Tumba dedicá na Sidney 'Said' Enrique Kock

Awenochi lo tuma lugar e festival di Tumba caminda un gran cantidad di nos músico y cantantenan local lo ta demostrando nan gran talento pa e arte musical riba escenario y pa disfrute di e público como fanático di e tradicion carnavalesco aki.

Tur aña tambe ta un tradicion cu e festival di Tumba ta wordo dedicá na un persona en especial cu durante transcurso di su carrera artístico a demostrá gran habilidad y amor pa música of den e caso aki e genero di Tumba.

E aña aki, no ta diferente,

pues e festival di Tumba di Carnaval 44 lo wordo dedicá na Sidney Enrique Kock, kende ta mihor conocí entre su coleganan como 'Said'.

Pa esnan cu no conocé Sidney Kock nos ta trece un perfil breve cuminsando na menciona cu el a nace dia 6 di December 1950 y for di su 15 aña el a cuminsá toca drum den beatband.

Cu su 17 aña el a forma parti di e músiconan den e orquesta Sensacion del Caribe, te cu aña 1978 ora cu Sensacion del Caribe a disolvé. For di e tempo aki Said a keda yuda den diverso



bandanan local.

Said a companá bandanan manera entre otro: Dakota Steelband, Combo Aruba, La Selecta, Sound & Harmony, Grasshopper, La Nueva Fuerza, Los Pimentosos, Sensacion Musical, Vibracion '74 y por último e tabata forma parti di Miller Band.

Said semper a tuma e parti di Percusion na su encargo. Said a yega di haya hopi experiencia, tanto malo y tristo como tambe bon durante su trayectoria como músico.

Said a yega di graba dos disco cu Sensacion del Caribe na Medellin, Co-

lombia cu Sonoluz.

Pa loke ta trata awenochi, Said no lo keda sintá como e homenajeado, pero e lo sigui cu su amor pa música y e lo forma parti den Festival di Tumba cu Los Duques, The Brave Bull Production, Qua-si y E.Q.O.

Ta natural cu a puntra Said pa duna su mensahe na e músiconan hoben cu lo sigui hiba e batuta di e cultura musical na Aruba. El abisa: 'Ban tin mas union entre e músiconan pasobra union ta haci forza y asina nos tur por hiba e pida Baranca aki Aruba mas dilanti'.



Habri Bo seguro di auto cerca nos y pague hunto cu Bo number di auto den un termino maximo di 12 Luna

Pasa cerca nos Departamento di Prestamo Personal di BANCO DI CARIBE awe mes y permiti nos yuda Bo paga Bo seguro y number di auto 1998.

Na Banco di Caribe nos ta honra Bo confianza.



BANCO DI CARIBE N.V.

Caya G.F (Betico) Croes 90 - Box 493, Oranjestad, Aruba
Tel.: 832168. Fax: 832422

